

平陸縣志序

晉西南鄰秦豫而皆濱於河平
陸固晉豫之門戶也歲壬申余
自垣曲攝是邑瞻三門砥柱之
雄心竊壯之詢其人文科第年
來亦幾冠全解何以志乘久弗
續也乃閱月而去意若闕如及

再補官於晉也

天子以晉省米十萬拯豫省災余實
襄是役因得復至於平其邑之
士大夫以至野老鄉農莫不歡
若故人而奔走之恐後噫何其
淳也夫人相習則難忘況一至
再至其地平之民若不忍余之

去余亦若有不釋然者宦跡靡
定又安能久居此耶凡三匝月
運米事竣荷蒙

恩命補授解州余固喜平之隸解也
泣任來謀所以整釐於平若者
脩所廢若者創所無皆如志中
所列乃宰是邑者一年中凡三

更其手而脩志之役討論蒐輯
各殫其力矧平於余為舊治平
之事固有不容已於懷者乎今
雖不敢謂無所遺憾然至此而
始償其數年之志誠非偶然者
矣溯余宦晉十有五年而其地
半在河壩始宰垣曲再守保德

解之平芮亦處河濱而平又為
余所熟遊地閱志披圖攄其懷
舊之情安得不惓惓也後來者
覩川原之蟠鬱念地脉之鍾靈
因地制治當有望古而遙集者
乎杜編修若拙邑人也屬稿實
出其手云

乾隆二十八年歲次癸未仲冬
長至之日解州直隸州知州言
子七十五世孫如泗撰

平陸縣志序

辛巳春

翠華西幸五頂洙以絳佐奉調得隨州守
言公後與襄

盛典夏公來攝絳郡見絳志殘缺議欲重

脩命洙董其事屬稿未竟洙攝太平

公亦受代事中寢噫何盛事之成如
此其艱也癸未春洙奉檄來攝平篆

得隸公屬謁見日欣然顧洙而言曰
絳志之未成不無遺憾吾二人諒有
同心也今平志現議續纂韓令夔典
甫脫稿旋即卸事王令不久又攝篆
蒲屬得子來斯事集矣子其勉之洙
謹受教歸而謀諸紳士咸踴躍用命
稿草創於前署令韓夔典脩邑紳杜
太史若拙荆邑宰如橐而體例悉受

裁於公凡幾閱月而告成噫何盛事
之成如此其易也可知事無難易待
人而行而以公抱編纂之盛心使洙
亦得躬逢其盛以効臂指之一助此
殆有天焉以假之緣而不可以意必
為矣異日者倘能繼公之後續成絳
志庶幾交襄其盛而均無遺憾也夫
至於平邑之典章大要見於公序中

而其詳則備於志後之覽者按籍可稽應不俟洙之贅陳矣

乾隆二十八年歲次癸未夏六月直隸解州署平陸縣知縣絳州州判李友洙識

平陸縣志序

邑於深巖邃谷之間俗樸而事簡守
土者稱易治惟是地雖僻而比連豫
省往往事端滋蔓且民狃於安閒稍
有措置便苦煩擾治之者斯為似易
而實難怡自壬午冬宰平陸時州守
虞山言公緝解州全志將成方欲贊
襄一二復奉調攝篆蒲之永濟閱半

載始得歸本邑視事志稿於時告成
怡雖未襄茲役而社稷民人之重與
夫前規曩蹟可效可師者一繙閱間
如有導於前如有策於後則所以奉
職思稱者宜何如懍懍也方今幸際
熙朝百度脩明大吏整飭庶政州守言公
承流率下凡所興除胥歸切要纂輯
志乘其一也怡既樂書成之易又每

籌及夫所以治之之具知其難而無
可諉其難庶幾日夜淬勵以期稱職
但有一二實政稍有裨於茲邑者則
斯志不至以空言棄也夫

乾隆二十八年歲次癸未仲冬月直
隸解州平陸縣知縣王怡識

平陸縣圖

縣境全圖

縣治圖

傅巖書院圖

黃河圖

傅巖圖

虞阪圖

閒田圖

金鷄堡圖

縣城圖

縣學圖

中條山圖

三門砥柱圖

茅津渡圖

箕山許由塚圖

吳山廟圖

尋樂園圖

縣境全圖

北安邑縣界

分靈廟



西北解州界

中條山

竹林寺

即廟

西為城縣界

開田

十二連城

五龍廟

吳廟

思鄉廟

縣治

文廟

大陽渡

河南南寶界



縣城圖

